Date: Summer 1565¹

REF: GD112/39/5/20

Place:

From: William Stewart of Grandfully

To: Colin Campbell of Glenorchy

Address:

{Richt honorabill}² Schir efter maist hartlye commendation of service. Forsamekle {as anent} zowr ky and horss yat ze left behind zow in Strathern {be ye wer} in Glenlednock sa mony as wess luft in Glenartnay thay {remaynit} ane part of ye Clangregor and twk ye sammyn away ye sammyn nycht *{to Monteith.}* And as to ye rest yat wess in Cultovragane and Grak[ynche] MacGregor hyme self hes remanit still in ye cuntray makand gwd scheir one ane part of yame and quhat is become of ye rest I cane nocht tell. And as to zowr serwandis horss he is delyveryt to MacGregor hym self quha rydis one hyme quhare he jornayis. Nochtwithstanding my Lord Drummond did his deligence ye sammen nycht yat ze departit owt of ye cuntray quhare ze send his servandis to Glenartnay to bring zowr ky to Drymmen to {haif} kepit yame to zowr behaif and thay wer away or thay {come and} as to ye horss he hes promesit me gyf knawlege may be gottin yat he vess reset be ony man in ye jurisdictioun of Strath-{erne he} sal cawss ye saidis man to restor hym or than alsagud. ... ze sal wit yat ye Lard of Tullebarn hes convenit his fre-... Creif yis last Tuysday schawand yame ye displasowris done ?be zowr servandis in Atholl. And yat my Lord of Atholl hes desyrit hyme to assist hyme in all effaris feirand yat ze vyl do hym displasowr quhylk frendis thinkis nocht neidfull yat he do bot desyris hym to be ane equall man betuxt zow bath gyfand his gud cunsall to baith zowr valis or inconvenianc cum betuxt zow. My cunsall is yairfor yat ze vrit with deligence to ye said Lard of Tullebardin desyrand hym with his freindis to assist zow for ze cane haif na less nor ye haif. For it is ane part of his excwss to his freindis yat ze haif nocht chargit hym.

Refering ye rest to zowr wysdome and swa committis zow in ye handis of ye Eternall God.

¹ Before the settlement with the MacGregors in September 1565 but when tension growing with Tullibardine and Atholl, during the summer and autumn of 1565 and the Chase-about Raid. Probably Grandtully as it is written in his style, and sent most probably to Grey Colin.

² Readings taken from GD50/116/96.